

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO

Broj: 16-1780/22
Sarajevo, 13.09.2022. god.

Na osnovu člana 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), člana 42. stav (2) alineja m) Pravila Kantonalne javne ustanove „Gerontološki centar“ Sarajevo, člana 134. Pravilnika o radu KJU „Gerontološki centar“ Sarajevo i Zahtjeva radnika Gerontološkog centra Ganović Anete, broj: 163/1628 od 06.05.2022. god., Direktor KJU „Gerontološki centar“, d o n o s i:

O D L U K U

o isplati jednokratne novčane pomoći

1. Radniku KJU „Gerontološki centar“ Sarajevo, **GANOVIĆ ANETA**, zaposlena na neodređeno vrijeme na radnom mjestu Servirka (Ugovor o radu br. 14-1369-1/20 od 25.09.2020. god.), zbog teške bolesti odnosno teške invalidnosti člana uže porodice - djeteta Ganović Damira, koja zahtijeva kontinuirano i dugotrajno liječenje, **ODOBRAVA SE** isplata jednokratne novčane pomoći, u iznosu tri prosječne neto plaće isplaćene u Federaciji BiH, prema posljednjem objavljenom podatku, u iznosu **3.306,00-KM** (Slovima: Trihiljadetrinstotinešest KM).

2. Za izvršenje ove Odluke zadužuje se Služba materijalno-finansijskih i računovodstvenih poslova Gerontološkog centra.

3. Odluka stupa na snagu danom donošenja.

O b r a z l o ž e n j e:

Radnik KJU „Gerontološki centar“ Sarajevo, Ganović Aneta, obratila se sa zahtjevom za odobravanje jednokratne novčane pomoći, koja joj je neophodna u cilju nastavka liječenja teške bolesti odnosno teške invalidnosti kod djeteta Ganović Damira, koja zahtijeva kontinuirano i dugotrajno liječenje.

Imajući u vidu odredbu iz člana 18. stav (2) Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22) imenovana je dostavila dokaze o kvalifikaciji težine bolesti, odnosno dostavila je Potvrdu broj: 07-577/22 od 27.04.2022. godine izdatu od strane JU Zavod za zdravstvenu zaštitu zaposlenika MUP-a Kantona Sarajevo. Obzirom da u članu 18. navedenog zakona nije precizirano ko se smatra članom uže porodice, a da su vršene izmjene Pravilnika o radu KJU Gerontološki centar Sarajevo i usklađena odredba člana 100. sa navedenim zakonom, dok član 104. Pravilnika o radu koji definiše ko se smatra članom uže porodice nije izmijenjen, primijenit će se član 104. Pravilnika o radu KJU „Gerontološki centar“ Sarajevo u kojoj je navedeno između ostalog da se članom uže porodice smatraju djeca rođena u braku, van braka, zakonito usvojena ili pastorčad do 18, odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob, ako žive u zajedničkom domaćinstvu.

Na osnovu Izvoda iz matične knjige rođenih, kućne liste, Uvjerenja o redovnom školovanju i Potvrde broj: 07-577/22 od 27.04.2022. godine JU Zavod za zdravstvenu zaštitu zaposlenika MUP-a Kantona Sarajevo, te nalaza i mišljenja Instituta za medicinsko vještačenje zdravstvenog stanja Sarajevo, a u kojem je navedeno da se radi o osobi sa invaliditetom u visini od 100%, utvrđeno je da Ganović Damir - dijete imenovane boluje od teške bolesti odnosno teške invalidnosti, a u slučaju koje se može ostvariti pravo na jednokratnu novčanu pomoć.

Članom 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), propisano je da se u slučaju nastanka povrede na radu, teške invalidnosti ili teške bolesti zaposlenika, ili člana njegove uže porodice, isplaćuje mu se jednokratna novčana pomoć u visini od tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Prema posljednjim objavljenim podacima, tri prosječne mjesečne plaće isplaćene u Federaciji BiH za period april-juni 2022. godine, iznose 3.306,00 KM.

Imajući u vidu naprijed navedeno, odlučeno je kao u dispozitivu.

Dostavljeno:

1x imenovanj
1x dosije imenovane
1x Sl.fin.rač.posl.GC
1x a/a

DIREKTOR

[Redacted Signature]
Mirza Musa